

Lan esparru autonomoa eta enplegua malgutzea aldarrikatzen du Adegik

Patronalaren urteko batzarrak eskakizun horiek egingo dizkio Gobernu berriari

Enplegua malgutzea eta lan harremanetarako euskal esparrua izango dira Gipuzkoako patronalak (Adegik) biharko Batzar Nagusian aztertuko dituen konturik garrantzitsuenak. Bi puntu horien inguruan Gipuzkoako enpresen konkurrentzialtasuna dagoela ziur da Adegik.

J. AIARZA / DONOSTIA

Lan merkatuaren erreformari ekitea eskatuko dio Adegik Estatuko Gobernu berriari biharko batzarrean. Patronalaren ustez, erreforma hau ezinbestekoa izango da Gipuzkoako eta Euskal Herriko enpresarentzat Europa-koekin lehiatu ahal izateko.

«Neurri hauek lehenbailehen jarri behar dira indarrean, bestela gero eta arazo gehiago izango da aberastasuna, ondasuna eta enplegua sorrarazteko», adierazi zuen atzo Tomas Arizeta Adegiko presidentek.

Lan merkatua malgutzeak langileen enplegua erregulatzeko espedienteak indarrean jartzeko bidea arindu eta erraztea esan nahi du, batez ere baimen administratiboaren tramitea kenduz.

Arizetak argi eta garbi utzi nahi izan zuen, hala ere, honek ez duela langileen kaleratze librea ekarriko, «konkurrentzialtasun inguru batean ere defendi daitez-



Adegiko buruzagiek biharko batzarra aurkeztu zuten.

GALLEGO

ke langileen eskubideak» esanez.

Gipuzkoako enpresarien ustez, enpresako langilegoa erregulatzeko Administrazioaren baimenak, sindikatuen ezinbesteko adostasunak eta Gizarte Segurantzari gehi bestelako osagarriak ordaindu beharrak eraginkortasuna kentzen diote enpleguaren erregulazioari, enpresak aurreztu lezakeenaren % 50 bazarrik aurrezten baitu.

Beste aldetik, Adegiko buruzagia Estatuko hitzarmen zentralizatuen aurka eta lan harremanetarako euskal esparruaren alde agertu zen, honek ere enpresarentzat onuragarria delako us-

tean. Lan esparru autonomoa aztertutako bultzatzeko batzorde bat sortuko du Gipuzkoako patronalak, hain zuzen.

Gipuzkoako eraikuntzako hitzarmenaren inguruan sortu den ausia adibidetzat hartuz, Arizetak baliagarritzat jo zuen konbenio hau, enpresarien eta langileen gehiengoak adosturik sinatu baita eta «Adegirentzat hori da garrantzitsuenak».

Madrilako Gobernuak aurrera daraman Greba Legeari buruz, Arizetak ez du uste Gobernu berriak proiektu honi eutsi behar dionik, proiektua «zentzuzkoa ez delako eta europako bateratasu-

narekin bat ez datorrelako».

Gipuzkoako enpresariak beren urteko Batzar Nagusia egingo dute bihar eta aldi berean Enpresaren Eguna ospatuko dute. Batzarrean Gipuzkoako enpresek dituzten kezak eta ekonomi egoeraren azterketak azalduko dituzte eta Gobernu berriari egin beharreko proposamen eta eskabideak agertuko dituzte.

Enpresaren Egunean Jose Antonio Garrido Iberdrolako kontseilari-ordezkariek hitzaldi bat eskainiko du 'Konkurrentzialtasuna zabaldu' gaiari buruz. Bertan, Jose Antonio Ardanza lehendakaria ere izango da. Bi ekitaldietan bostehun enpresarik parte hartuko dutela espero da, «Euskadin egiten den enpresari bilerarik handienean», Arizetaren esanetan.

Biltzarrerako orain arte jasotako proposamen kopuru handia nabarmendu zuen Adegiko presidentek. «Horrek esan nahi du Gipuzkoako enpresariak ez dutela etsi eta ez daudela prest amore emateko, borondatea eta adorea dauzkatala Gipuzkoako enpresa eta industria suspertze-ko».

Azkenik, Adegiko enpresa txikien batzordeak ezohizko biltzar bat proposatu duela jakinarazi zuen elkarte honek. Biltzar horren helburua enpresa txikiaren arazo bereziak aztertzea izango da eta udazkenean egingo da.

**LPEEk petrolio
produkzioa
zehazteko
biltzarra hasi du**

GENEBA

Lurralde Petrolio-Esportatzaileen Erakundeko (LPEE) hamabi lurraldeetako ordezkariek bilerak egiten ari dira atzoz geroztik, aurtengo laugarren hiruileko produkzio kuota-zen zebatekoa zehazteko.

LPEEren gehieneko produkzioa 22,582 milioi upelekoa da gaur egun, produkzio erreala 23,2 milioi upelekoa da eta prezioa 17,50 dolarrekoa da upeleko, nahiz eta urtearen hasieratik orain dela hiru aste 18,5 dolarrekoa izan.

Prezio jaitsiera dela eta, LPEEko buruzagiek produkzio mugatzeko eskabidea egin dute, prezioen beherazko joera aldatzeko. Alicia Parra LPEEko buruzagiak dioenez, «konferentzia honek kontuan hartu behar du petrolioaren prezioari inflazioak eragiten diola eta LPEE ez daukala egokipen mekanismo automatikorik, beraz prezioei eustea beherantzako joera da».

Erakundeko buruzagiak gogoratu zuenez, LPEE inoiz ez du lortu petrolio upelaren balioa 21 dolarrekoa izateko helburua, nahiz eta Mendebaldeko Europako produktu birfinduaren balioa 100 dolarrekoa izan.

Inbertsioez eta lankidetzaz hitz egin dute Txina eta EAEko enpresariak

M. ARREGI / BILBO

Pekin Txinako hiriburuko ekonomi arloko agintariak Bilbon izan ziren atzo eta Euskal Autonomi Elkartearen enpresariak bildu ziren inbertsioez eta elkarlanaz hitz egiteko. Txinatarren bidaia hau EAEko ordezkariek Asiako estatu honetara egindakoaren «jarraipena» izango litzateke, Iñaki Iruña Bilboko Nazioarteko Erakustazokako lehendakariaren esanetan.

Ordezkaritza txinatarrek Madril-eko egunotan etzi hasi eta hilaren 17an bukatuko den 'Pekin-Madril Hiri Senidetua' erakusketan parte hartuko. Bertan Estatu osoko hainbat enpresarekin batera garatzeko inbertsio proiektuak aurkeztuko dituzte. Guztira 210 dira elkarlanerako egitasmo hauek eta industria, eraikuntza, nekazaritza, zerbitzuak, hirigintzarako azpiegiturak eta ondasun mugiezinen

sektoreak biltzen dituzte. Industria sektorean makinaria, elektronika, automobilgintza, kimika eta elikadura arloetara mugatzen dira proiektuak.

Aipatutako proiektuak berriak dira eta Txinarekiko ekonomi harremanak aztertzeke orduan dagoeneko bertan lanean ari diren euskal enpresen kopuru garrantzitsua azpimarratu zuen Iruñak. Gainera, Bilbon egiten diren nazioarteko erakusketetan Txinako enpresetako ordezkaritzak ere hartuko duela parte jakinarazi zuen Azokako lehendakariak.

KANPOKO ENPRESETARA ZABALDUZ Madrilera egin duten bidaia aprobetxatuz Bilbora hurbildu diren txinatarrek hodi, makina-erreminta eta beste sektore batzuetako EAEko 40 enpresatik gorako ordezkariek egin zuten mintegian hartu zuten parte.

Liu Yanguang Pekineko Pla-

nifikazio Batzordeko kideak adierazi zuenez, 53 enpresa izango dira Madrilera erakusketan eta produktu ezberdinak erakutsiko dituzte. Espainia eta Pekinen arteko merkataritza harremanak dagokienaz, iazko ekitaldian Txinako hiriburuko 884 milioi dolarreko esportazioa egin zuela azaldu zuen Yanguangek.

Kanpoko enpresek gero eta garrantzi handiagoa lortzen ari dira Txinan. Pekinen atzerriko 4.970 enpresa jartzeko baimenak eman dira joan den apirilera arte.

Txinako ordezkariek gezurtatu egin zuten estatu honetan inflazioa dagoela, «toki batzuetan prezioen igoera % 10era iritsi da, baina erregio batzuetan bazarrik» ziurtatu zuen.

Pekinen 6.272 industri enpresa dago eta azken 10 urteetan ekitaldi bakoitzean % 10,2ko hazkunde izan dutela jakinarazi zuen Planifikazio Batzordeko ordezkariek.



Pekinen atzerriko 4.970 enpresa baimenduta daude.

XOUSE SIMAL

UDAL EIBAR EUSKALTEGIA
ESAN BAI EUSKARARI
Udako ikastaro trinkoak
(Beka sistema)
Casa del Pueblo, 4. solairua Tf.: 70 09 12 UNTZAGA